

青邱詩集注

冊六

青島市志

卷之六

余旣校訂高青邱先生詩爲之注而序之凡一十八卷嗣又得先生
鳬藻集文五卷乃復訂而爲之序夫文自唐宋以來昌黎起八代之
衰當時識高志偉以韓氏爲宗者有李習之廬陵變五季之失當時
心慕手追爲歐陽氏揚其波者有曾氏王氏蘇氏父子及乎元代虞
揭黃柳而外吳淵穎歐陽圭齋諸家流風派別明初猶宣此質實洗
此精華覺百餘年中其盛殆不可紀極青邱先生固其一也夫以先
生夙負異才豈必步趨某代某集然卽五卷之文紆迴中復極峻潔
時與至大後諸家同而異異而同竊意先生早偕北郭諸子以文行
相善自謂久而優游有得凡耳濡目染其淵源于前賢遺老可知逮
後應徵入史局以宋文憲王忠文爲總裁汪環谷胡仲申趙東山輩
爲同列相與上下其論議醇而後肆一時之集思廣益考獻徵文更
何可量欲不目先生爲虞揭而下希風托響之一人不得也至其沉
思鬱結常似幽憂失志之爲以婁江之東望煙雲爲自適以江渚之

山巔水涯爲所好及幸爲退吏思鼓枻以長歌引浮槎以自況視古所謂無宦情者奚啻過之蓋坐磨蝎而生丙子先生固自分文人賦命祇與韓蘇千百年若合而文章留天地間當自有呵護之而使之先後並傳此皆有默信于中者在也既與韓蘇合焉並傳焉先生亦不可謂不幸矣若是集爲周公禮氏手鈔人方以未見其文爲憾賴周文襄鄭侍御亟謀與詩並傳且集中有誌魏夫人篇似距其沒時不遠亦不爲存什一于千百原刻舛譌實甚今悉正其校之疎觀者合詩集讀之如雙環如兩劍庶以知先生文之必傳于後亦以知明初文之盛殆虞揭諸公之遺也夫時

雍正六年歲在戊申秋月重陽前三日桐鄉金檀序

青邱高季迪先生鳧藻集原序

文以理爲主而氣以發之理明矣而氣或不充則意雖精辭雖達而萎繭不振之病有所不免蘇文定公曰文者氣之所形文不可以學而能氣可以養而至善觀文者觀其氣之所養何如耳唐虞三代之文尙矣自秦而下文莫盛於漢唐宋漢之賈董班馬劉揚唐之李杜韓柳宋之歐蘇曾王之數公者各以文章名家其初豈必追琢絺繪學爲如是之言乎其所以寬厚宏博汪洋放肆而不可掩者則其浩然之氣所養可知也我太祖高皇帝龍飛之初鑒近世華靡之弊制誥典冊之文一尙淳朴當時在兩制居史館者皆極天下之選而高先生季迪其一人也先生名啓姑蘇人自少警敏力學弱冠卽以詩文鳴於鄉郡張士誠據有淞右屢以禮招之不就避地居吳淞江上以詩文自娛樂洪武初以廷臣薦與修元史授翰林國史院編修官復命教授諸王久之拜戶部侍郎以年少不敢驟膺重任辭歸故鄉

益肆力於詩文居數載不幸以故人得罪沒于京師年甫三十九其詩有缶鳴集有婁江吟藁有姑蘇雜詠皆已久傳於世四方之人莫不知其詩名而獨未見其文也予來姑蘇訪求於先生之內姪周立得其手鈔先生之文曰鳬藻集凡五卷因取而讀之愛其意精而深辭達而暢有溫純典則之風而不流於疎略有謹嚴峻潔之度而不涉於險僻該洽而非綴緝明白而非淺近不粉飾而華采自呈不追琢而光輝自著蓋由其理明氣昌不求其工而自無不工也讀之不忍釋手自是其集留予所者十有餘載今年春監察御史錢唐鄭公士昂過予公館中論及先生之詩而亦以未見其文爲慊予因出是編相示鄭公讀之既卷而歎曰古人論文章謂一代不數人一人不數篇先生沒已七十年是數篇者幸而尙存豈易得哉是不可以無傳乃屬司訓張素略加校正命長洲縣丞邵昕以公錢刻置郡學且徵予爲之序嗟乎方張士誠據浙右時士大夫之欲苟且貴富者莫

不從仕以就陪臣之列先生獨脫然去之而以詩文自娛樂此其浩然之氣所養爲何如哉觀於是集從可知矣序而傳之使世之讀是集者非唯知先生於詩文有兼至之長抑使知浩然之氣在天地間不以貴賤壽夭而有所增損也正統九年六月望日正議大夫資治尹工部左侍郎雙崖周忱序

自有天地以來遂有文人不知其幾千也幾千文人中其可傳於後
世者僅百耳且此僅傳之百文人豈皆際時盛明致身通顯一生晏
然無患以壽考終哉其間幸者半不幸者或過半才與命固難強而
齊也青邱子生於吳當元明易代之會兵革亂離伏處江上不就幣
聘惟潛心於六經百家諸書日夜含咀之奮雄筆於藝林嗚呼其志
介其才奇矣按先生年譜自十六歲輒名聞隱於至正間者十有八
載年三十四應明詔入史局歷位侍郎旋乞歸則仕於洪武朝止二
載俄坐以黨罪死年未滿四十也先生所著史要類鈔序有曰天若
欲成其志使得有饘粥之養以自返於大山長谷之中一肆其力於
所未知則亦將無事於是編也論者因先生之言遂謂先生若不死
而天假之年其所得當不止於是余竊以爲非篤論也夫文章之道
視乎才力人之才力不同大抵盛於壯而衰於晚先生之詩與文自
少已工洎中年而學識具足著作大成一時詞人學士罕有及者天

亦若惡其滿而遽覆之又何疑其猶有未至歟今觀周氏手鈔之文
氣體醇茂何必不兩漢詞章清麗何必不六朝文瀾壯闊思理精邃
何必不三唐兩宋洵可以爲元明之一人而獨有千古矣卽起先生
於今日而請之操觚當不過是獨惜先生早爲退吏嘯傲江湖誠非
如戀戀於利祿者其意殆將餽藜被褐老死牖下以遂其初迺文人
遭厄并不獲比於三閭之汨羅長沙之鵬鳥此則先生夢中所不到
者也豈非命乎夫有才而幸者幸而有才也命也有才而不幸者不
幸而有才也亦命也余歎先生之才而不能無感於先生之命故因
金子重訂鳬藻集而發一言云

雍正六年臘月中浣同里東冶陳璋序

青邱高季迪先生鳧藻集目錄

卷一

論二篇

威愛論

四臣論

記十五篇

游天平山記

生白室記

蜀山書舍記

清言室記

煮石山房記

靜者居記

夢松軒記

安晚堂記

水雲居記

槎軒記

游靈巖記

素軒記

歸養堂記

春水軒記

白田耕舍記

卷二

序 十八篇

史要類鈔序

元史曆志序

元史列女傳序

送唐處敬序

送倪雅序

送錢塘施輝修太廟樂器序

送二賈君序

送呂山人入道序

贈何醫師序

荆南唱和集後序

送顧倅序

送孫先生序

野潛橐序

贈胡生序

送徐先生歸嚴陵序

送樊參議赴江西參政序

獨菴集序

送丁志恭河南省親序

卷三

序 十八篇

師子林十二詠序

贈錢文則序

送示上人序

贈醫師何子才序

婁江吟橐序

送虛白上人序

送劉侯序

贈醫士徐仲芳序

送徐以文序

代送饒參政還省序

送江浙省掾某序

送蔡參軍序

送黃省掾之錢塘序

贈王醫師序

贈醫師龔惟德序

綠水園雜詠序

缶鳴集序

姑蘇雜詠序

卷四

傳五篇

南宮生傳

杏林叟傳

胡應炎傳

墨翁傳

梅節婦傳

贊八篇

愛敬堂圖贊

東坡小像贊

丹厓小像贊

義鶴贊

樹屋傭贊

陳仲昭小像贊

嬌蜚子贊

烏目山樵贊

箴一篇

寅齋箴

銘八篇

瞻松亭銘

靜學齋銘

端石雙硯銘

進齋銘

碧泉銘

存心齋銘

靜得齋銘

筆銘

賦二篇

鶴瓢賦

聞早蛩賦

題三篇

題天池圖小引

題朱達悟傳後

題高士敏辛丑集後

跋十篇

跋眉菴記後

跋王右軍墨蹟

跋松雪臨蘭亭

跋松雪書洛神賦

跋徐氏族譜後

跋呂忠肅與魏太常唱和詩後

跋張長史春草帖

跋蘭亭

跋張外史自書雜詩

跋溝南詩後

評史六篇

商鞅范雎

四公子

樊噲

羊祜

衛瓘

李泌

卷五

雜著 十六篇

封建親王賀東宮牋

擬唐平蜀露布

擬劉封答孟達書

匡山樵歌引

審游贈陸彥達

勸農文

穀喻

志夢

書瞿孝子行錄後

書博雞者事

楊孟汲字說

澄江懶漁說

修忠佑祠疏

城南草堂疏

薦亡將齋榜

墓誌銘 八篇

元故婺州路蘭溪州判官致仕胡君墓誌銘

陳夫人許氏墓誌銘

陳希文墓誌銘

葛仲正墓誌銘

明故高均彰墓誌銘

韓仲達墓誌銘

魏夫人宋氏墓誌銘

丁志恭墓誌銘

哀辭

一篇

王仲廉哀辭

書簡

一首從至正庚辛
唱和詩補入

與水西資聖寺雪廬新公

青邱高季迪先生鳧藻集目錄

青邱高季迪先生鳧藻集卷一

桐鄉金檀星軺重輯

姪成鼎梅均

男宏熹開霞

全校

論

威愛論

書曰威克厥愛允濟愛克厥威允罔功或以愛誠有以結於人者則趨事赴功有不期然而然何以威爲哉予曰不然此御軍之要也蓋愛勝則姑息威勝則嚴明胤侯知其然故於誓師之際深警之若此欲其恐懼而用命也嗚呼以仲康之賢討羲和之沉亂其必濟可知矣然猶恐其威之不立而功之不成而況後世之衆人欲從事於強敵者哉夫三代之兵也出於民居則習其政教而知義出則聞其節制而知法皆有尊君死上之心赴公戰如報私仇者抑且有所謂孥